

丽江文史资料

第五辑

纳西族东巴象形文字

丽江市政协文史资料委员会 编

707964

丽江文史资料

第五辑

丽江市政协文史资料委员会

一九八八年六月
54728

目 录

木氏宦谱(甲).....	纳西族史料选载	1
木氏宦谱(乙).....	纳西族史料选载	34
《木氏宦谱》跋.....	方国瑜	54
方国瑜自述.....	方国瑜	60
楚沙扒领导的傈僳农民起义.....	选自《傈僳社会历史调查》	65
雪山社和滇西北藏族骑兵队的建立.....	孙致和	73
抗日战争时期丽江教育文化纪略.....	曾广鑫	77
汝吉小学校史(解放前部份).....	杨尔刚 整理	95
抗日战争时期的《丽江周报》.....	张星泽	99
和耀曾将军轶事.....	沛诚 整理	107
木王林将军事略.....	和集金 和集钰 整理	110
周香事略.....	周汝勉 供稿	112
记我父亲周杲.....	周友莲	115
乐群学校和本松园先生.....	曾广鑫	126
和振古烈士传略.....	李瑞泉 搜集整理	129
纳西族第一个女共产党员白菊英.....	杨沛诚	134
“丽江人”出土始末.....	木丽春	138

木氏宦谱（甲）

木氏宦谱序

木生公，今丽江世守木君之冢嗣也，与鹤庆高生友，两人者，相得甚欢，盖高亦世宦者之介弟也。其为欢偕欲刊落故习，称述文义，有砥行饬躬变而之道之懿焉，吾初未之知也。盖得之杨君用章，用章者，两为御史，非其道，辄复去，吾雅愧服之，其为人，慎许可甚，独于高有揄扬焉，吾既接高生而信，又因高生之信而悉得木生之贤，其益信也已。及读其所为木氏宦谱，盖自始祖讳叶古年者，陆传而至三甸总管秋阳，时唐上元中也，又肆传至武勋公蒙汪而始盛，自武勋公又贰拾肆传乃至生，中间历唐五代宋元，为公为侯为将帅者，蟬嫣煜雪无间于朝之易代，何可谓不盛，然率以武功显也。逮入我明朝宣使，载以忠款，际遇高皇帝赐姓木氏，易以女资，俾世长厥民，文则兆矣。既生大父泰，敦尚雅道，不置妾媵，以遗家则，而倡事诗书，以缘饬吏治，文殆兴矣。是其为谱，亦有根柢而渐进，斯足以及此，夫岂易也。今观其宗系，传授则必书，职位官阶则必书，功绩液洽则必备书，隐然有史氏意，秩然寓宗子法，载然而整，烨然而益光，能使一览之而上下数百载绳绳乎如一日，绎绎乎如有生，郁郁乎可复举，故自诸侯王而下，仅世爵祿，而无世土世民与世政也。宛然古封建之意长存，而宗法可恃以见于今日者，其在斯乎。然世其土世其民

者，率安其俗，则求能拔飭厥文以彰之者蔑已，是故小则陋，大则败，一有知文之而昧于实，则败与陋等耳。夫世久而不彰，安在其为久，彰之而无实，安在其为彰，声容礼乐，所以彰也，方修允蹈，所谓实也，彰则所谓久者，非徒久矣，实则所谓彰者，非徒彰矣，传之而可以继持于有家，据之而可以取信于后世，若斯谱之作亡，几彰乎？若生之砥行飭躬，变而之道亡，几实乎？谓生为贤，其信也已。然则吾何所于以加诸。故尝读太史公书已，太史公于孔子之不偶，而以其道而埒诸世家，与汉之宗臣等，义若愜矣，然卒之孔子之世，过其传而汉臣莫与焉。由是观之，道固不为势也，人苟之道，籍第无世官世土世民世政，而可延其世，矧兼而有之，何可谓不久且盛也。然道非尽诸斯谱而止者，斯则吾所以加诸生而欲衍其世于无穷者也。时正德十一年，岁次丙子冬十有二月之五日。赐进士出身嘉议大夫南京户部右侍郎前太常寺卿吏部文选司郎中永昌张志淳序。

木氏宦谱重序

若稽南诏野史，丽之初，白国，未有专名也。木氏先世居笮国，邈于周秦，自汉晋迄唐，由来世载其德。始称越析诏，为六诏之一。迨宋季麦琮者，慧性遐龄，天稟特异，另有别志，才德超凡，为群夷所推尊。当文教未通，虽有善德令名，未申纪述。生子良，良生兀，兀生亮，亮生甲，甲生得。享元之世，其迹昭典。逮皇明定鼎金陵，识天命有在，甲貽子遣使问道上图籍，壬戌得内附，太祖嘉之，赐姓木，敕授丽江世袭知府，于是定铁桥，镇石门，赐袍笏金带。生子初，服蒙睑，南征麓

川，开永宁，东克盐井，累著武功，诏赐金牌金带，以摠相体统，临戎镇番。初生土，钦颁敕命，世守信地，令宣不令调。土生森，从尚书王骥以征麓川，获功，诰升参政，赠祖考妣，寻都宪丁旌扬。森生崧，崧生泰，俱宠诰，加太中大夫。泰资神迥异，穷易达理，奋武撰文，克昌厥大。泰生定，援邻靖乱，建功不伐。定生公，晚居雪山之麓，淹贯典籍，与永昌禹山张，蒙化黄山左，时并称三山。而太史杨用修辈，尤其文字莫逆者也。著作传世，名倾海内，边功懋树，世庙亲酒，宸翰辑宁边境四字，并厚宠赉，谥修家乘，本祖始春暨升荣惟高两稿，肇庙崇祀敬其先，此忠孝之大端也。侍郎永昌张志淳，太史成都杨君慎撰序跋。公生高，字守贵，幼抱雄略，历年三十一，剿胜香罗，寻大捷毛怯，斩吐番，又克千陶立砦，威远乃翁，悉出钦赐先世金牌带等畀之曰，是体尔祖之心为心，以报国也。及翁鰥居，选奉美侍，承欢聚顺，所谓迪吉于后，今验于斯，至割股瘳亲，光表世胄，诏受三品亚中大夫，荣及先代，玉音褒嘉，其略曰，以德其名，忠孝两尽，因才而誉，文武兼全。世庙宾天，丁卯冬闻讣，奉哀诏不起，明年捐馆。高生东，字震阳，嘉靖己未，承父命攻胜番寇，隆庆壬戌再捷，丙寅戊辰累建膺功，亦出钦赐先器等予之，万历乙亥剿大渡番寇，越河曰打冲，暨敕赐西北藩篱坊，居恒省耕济农，暇则宾朋满座，夷犹诗酒，戊寅哀母过恻，己卯岁卒。东生旺，字万春，号玉龙，万历丁丑为世子，遂奋威武，大克番寇，迨莅政日，五所潜谋，慑摧奸志，谋猷愈壮，克服弘多，诰褒忠国恒垣。旺生青，字长生，号乔岳，智通六艺，墨妙淋漓，苍劲如老松古鹤，故别号曰松鹤，初莅政，即输饷，其如厌世，忽向白云仙游何，然而精灵尚存也。青生增，字长卿，又益新，号

华岳，年十一失考，嗣袭，万历己亥饷永腾，庚子助播州，壬寅叙西事，钦奖朱提，丙午封先受诰，乙卯俘三鞑魁，司马纪功，戊午修职贡，恭贺神宗皇帝，四十六年，太平福祉，敕赐赏赉，爰及恭人，又拓地饷辽，特加三品，庚寅进马价，钦褒忠义，循剿北胜逆舍商兰，膺上方金币，天启壬戌，蜀奢作乱，捐饷，赐三品服色衣一袭，寻乞休，上封事十，斐然名臣奏疏也。请祀张途何廷魁等，浚金赈恤阵亡将士，钦褒忠尽，晋秩参藩，甲子致政于家，于乙丑再进饷，寻诰封祖父母，丁卯输大工，依请表扬母节，又都御闵上荐，崇祯庚午，称助黔需，并解俸大司农，辛未钦升右方伯，荣封三代。鹤痒火灾，捐金重建，壬申落成，癸酉鹤士掇解，甲戌敦请乡饮大宾，翁辞，丁丑助陵工旌表，庚辰转左方伯，敕谕益笃忠贞，于省建坊，甲申捐坊工资，急解京饷。当弘光郎位南都，钦加太仆卿，乙酉父子阖族举饷，钦差募院陈题赐父子金花蟒缎，大都忠孝天植，仁义性成，并孝罗母，姻亲敬贤，政务之暇，卷不释手，著书数种，俱经名贤品题行世。若夫廷清法宝而祝国，边刊梵藏以化番，建寺鸡足，造桥禄丰，范象弘身，助通蜀道，种种善行，观国史扬君用修序谱，适子世继二十七叶，及今垂三十二世，至翁无昆季，罗母择以淑媛，振振四子，天其克昌厥后与。家君嗣位，讳懿，字美台，号昆仑。初天启甲子膺命服官，实居得以有为之日，犹抱不敢自专之心，凡厥政务，恒必躬请，所以家无失德，国有吁谟，则是父是子，是训是行，乙丑以后，华岳翁愈多微美，承顺事志，方念天步艰难，绸缪拮据，食息弗遑，留心宗谍，用锡三十二之光，诚忠孝极思，实趋庭综核，以久亟成乃考之志矣。求予再序续貂于太史之后，余愧不敏，仰依国姓，思木氏为我皇明忠孝世臣，勋猷烜耀，

可述可继，不敢不尽心焉。夫周自后稷肇邠，阅夏商二代统不失，益有孚格之天者耶。丽虽荒服茅土，县宋迄明，引于勿替，则苍昊之表祖宗，必有孚格者在，昆仑而后，为子若孙，卜年卜世，其所以继续者，宁有涯哉。时大明天王岁次戊子春三月吉日，圣朝宗仕山东承宣布政使司藩封鲁王孙朱桂谨跋，乃于庚寅冬至后鹤痒孝廉处士梁之杰订撰。

玉龙山灵脚阳伯郡 木氏贤子孙大族臣谱

草古天能古	草俸能能俸	莫羨古甫古
古甫古吕古	古吕气吕古	气吕露吕古
露吕陆点古	一点海娘丁	海失海羨古
海羨刺羨古	刺羨天羨古	

天羨从从娶天女亏都母书。

从从从羊娶天女当青青书。

从羊从交娶天女集黑集书。

从交交羨娶天女阿均岩书。

交羨比羨娶天女宽都木书。

比羨草羨娶天女青挥来书。

草羨里为为娶天女青挥蒲蒲能，生三子，遂分三种，
人寿一千七百岁。

里为糯于娶吴女吴钟，寿一千五百岁。

糯于南伴普娶戟女戟他刺鲁。

伴普于娶戟女宽都木鲁，寿一千六百岁。

于哥来娶戟女戟思母，寿一千七百岁。

哥来秋娶戟女戟钟，生四子，分束叶买何，寿一千九

十岁。

始祖叶古年，唐摩娑，年之前十一代，东汉为越嵩诏，诏者王也，年之后六代改为笮国诏，又定笮县改昆明，升为昆明总军官，传至唐武德时，祖叶古年凡六世，续传至秋阳。

秋阳 唐初改昆明属隽州，高宗上元中，为三旬总管。正妻弥均习鼠。

阳音都谷 唐玄宗开元中，六诏并属南诏，为三旬总管，服南诏矣，玄宗天宝中，南诏阁罗凤叛唐，陷隽州，谷为先锋，挟虏唐西泸令郑回有功，升授总督元帅。正妻阿宝何挥。

都谷刺具 天宝十年，南诏败唐兵于西洱河，陷云南都护府，南诏遂称大蒙国，从征有功，继父职。正妻阿宝阿尧。

刺具普蒙 唐德宗贞元元年，更置丽水节度为节度使。正妻阿僭女。

普蒙普王 继父职，贞元三年，南诏云南王异牟寻内附，犹结吐番，唐疑之，寻命王引出吐番酋长若干，诣大理点苍山庙，设酒既醉，悉斩之。九年，引导唐将韦皋以南诏兵大破吐番。十年，断石门关之铁桥，取十六城，俘其五王，功升勋公，亦为之盛，正妻阿宝节节于鲁禄。

普王刺完 继父职，为武勋公，正妻阿宝为由于吕能。

刺完酉内 唐宪宗元和中，改越析军民总管，继武勋公。正妻阿宝汉女。

酉内西可 唐文宗太和中，南诏寇唐蜀郡等，不复通唐，仍称越析诏军民总管，南诏亦不能制，羁縻而已。正妻阿宝浦弥。

西可刺土 唐懿宗咸通四年，南诏陷交趾，有功封越析诏武勋公。唐昭宗乾宁四年，杨澄弑南侯，遂罢公，改武勋侯，昭宗光化元年，隆舜子舜化贞立，进武勋公。正妻阿宝哥女。

刺土俄均 唐昭宗天复二年郑买嗣篡灭蒙氏，僭号大长和国，遂不附郑矣。继武勋公、正妻阿宝羨鲁，生陆子，牟具、牟刀、牟古、牟歹、牟来、牟通，各分部为诸夷之长。

俄均牟具 继武勋公。正妻阿宝具中。

牟具介西 宋真宗改为武英侯。正妻阿宝交。旧本作乾兴四年，考宋乾兴，只有元年并无四年，或误用蒙诏素廉年号乾兴，然二乾兴俱在真宗，宋乾兴或本作仁宗元年者非。

牟西牟磋 当宋徽宗至和中，更立摩娑诏酋长，段氏虽盛，亦莫能有。正妻阿宝于里。

牟磋牟乐 当宋徽宗政和中，继大酋长。正妻阿室刺姆。

牟乐牟保 与段严称为大将军，正妻阿宝女。

牟保阿琮 生七岁，不学而识文字，及长，旁通百蛮诸书，以为神通之说，且制本方文字。偶入玉龙山，见一石盎中清水饮之。闻云鸟音，遂谕禽兽等语，众乃称异，名达大理。诏王段氏未信，来迎聘往，尝数鸦飞噪，问之，言山后有马毙，往食。俄二鸠相鸣，再请，曰，此鸠言前坡莽熟，可以就食，彼鸠应不可，坡顶柏树巢鹰。使观果应，如是者屡验。加礼甚敬，每往厚赠。忽一日，诏王毁殿上燕巢，取其雏，暗执袖内，佯问檐前燕何喧。对此晋王，语称国祚不久牟，何不修德，且毁吾巢。诏王不悦。后又空中落一天书于海，有龙悬角呈出，而得厥文，无考识。金议麦琮圣者必识之，再欢聘，寻往，览其书，数十年

后，胡兵下大理云云。致元世祖忽必烈亲征大理，果如卒验。是时摩娑各族枝分，部相长嗣，咸以感其推诚服众。敦德化人，合当尊主。夫忠厚以开金牖之业，以基顺子贤孙，无疆永福，天岂偶然哉。善阐国，乌斯藏等界，共载为生知圣人。呜呼，木氏渊源继续，盖有由然，是故君子创业垂统，为可继于千百世者焉。正妻阿宝丘，系羨陶氏化戟女、生一子曰阿良，继父职。

阿琮阿良 琮之嫡长，继父职。

宋理宗宝佑元年，蒙宪宗命御弟元世祖忽必烈亲征大理，良迎兵于刺巴江口，锡赉甚厚，宠渥优礼，将授职为茶罕章管民官，复给班官服色二套，金镶玉顶，有辅弼前后黄绒帽及带靴全付，引礼舍人二员前导摆搭柴之，遂破巨津州半空和寨，生擒叛贼阿塔刺，功升茶罕章宣慰司，寻而功拔大各寨，又同克大理，擒获段兴智，功列蒙古将兀良合台之右，升授副元帅，锡节钺虎符金牌一面。兀良合台还镇大理，琮良还镇摩娑诏，乃赐命称曰添睦贝吉。后又破铁桥城、华马国。世祖至元中，加授银印重四十八两一颗，为提调诸路统军司。其所属者，越析郡，伯兴府、永宁府、北胜府蒗蕰州、罗罗斯、白狼、槃木、彝僚等地方，无不管束。其鹤庆府，自唐世年间是本司摩娑之地，不载于内，至元十一年，叠蒙皇帝圣旨褒加，钦此钦遵，颁给龙章祇领，得恩荣诏命，授金紫光禄大夫统军司，进开府仪同三司。正妻阿宝干先，系干罗木土，诰封国夫人，生三子：胡、节、耐，长男阿胡，继父职，次男阿节，三男阿耐。

阿良阿胡 良之嫡长，继父袭元帅之职。至元六年为茶罕章管

民官而袭元帅。成宗元贞元年，蒙皇帝圣旨褒嘉，钦此钦遵，颁给龙章祗领，得恩荣诰命授正奉大夫护军宣慰司。正妻阿宝刺母，系蔑和挥和迷女，诰封郡夫人，生一子，阿烈继父职，庶生次男阿吉。

阿胡阿烈 胡之嫡长，袭父职。

顺帝至元十三年，改置丽江路军民总管府，所属府一，北胜，州七，通安、巨津、宝山、兰州、永宁、蒗蕏、顺州；县一，临西。十五授弟阿吉巨甸军民官安抚司，并蒙皇帝圣旨褒嘉钦此钦遵，颁给龙章祗领，得恩荣诰命，授太中大夫，轻车都尉总管府。正妻阿宝丈蒙阿加，系刺巴士女，诰封郡夫人，生一子阿甲，继父职。考元始宪宗四年，琮良公为茶罕章管民官，世祖中统四年，升茶罕章宣慰司，迄世祖至元九年，加授银印，提调诸路统军司，则良胡公，乃茶罕章管民官，袭元帅。二十五年，为茶罕章宣抚司。成宗大德元年，中原板荡，梁王以宗室镇鄯阐，与段光分域侵隙，且西台遥越，肆当泰定帝，迨胡烈公或多梗代无纪，后顺帝至元八年，为茶罕章宣慰司，以世祖至元九年，及顺宗至元十三年，则虽三代历十帝，仅六十七年。其顺帝至元八年，是至从二年。十三年即至正七年也。后仿此。又元制宣慰使司，秩从二品，宣抚司及副使正三品、安抚司正三品，诸路总管府下路从三品，知州上州从四品，书之以便易晓。

阿烈阿甲 字元德，烈之嫡长，继父职。

顺帝至元二十二年。罢府置宣抚司，寻改为通安州知州，蒙皇帝圣旨褒嘉钦此钦遵，颁给龙章祗领，得恩荣诰命，授朝请大夫，骑都尉，上州尹知州，加正三品。正妻阿都

右丞女，阿宝园佉讳母，系胡以普都，乃剑川蒙古氏女耶，诰封恭人，生四子，得、佉、牙、见。长男阿得继父职，次男阿佉，三男阿牙，四男阿见，庶生三子，五男阿从，六男阿歹，七男阿昌。以上二十一代莹窆，俾在玉龙山中，冬夏以俗祀之无缺，以后七代，加以庙祭之不辍。

知府阿甲阿得 官讳木得，字自然，号恒忠，甲之长子。元末任通安州知州，后复升改丽江宣抚司副使。大明洪武十五年，天兵南下，克服大理等处，得率众首先归附，总兵官南征将军太子大师颖国公傅友德等处奏闻，钦赐以木姓，移行总兵颖国公傅拟授职。十六年奉颖国公扎付，拟本府知府，开设丽江府。本年二月，从征南将军克佛光寨，元右丞普颜笃自焚。三月西番大酋卜劫将领贼众侵占本府白浪沧地面，令长男阿初攻退。又本年八月随攻北胜府，擒高大惠之裔，土酋伪平章高生，寻为彝杀献，后改州，嗣又领兵跟随总兵颖国公会同董指挥攻破石门关铁桥城等处有功，事奏闻。本年九月，赴京进贡朝觐，太祖嘉其伟绩，授诰命一道，任本府世袭土官知府职事，中顺大夫，防固石门，镇御番鞮，并锡金花钞贯，彩缎表里衣冠，给金花带一束，镌四字曰诚心报国，元宝六锭，令字银牌重二十两。十七年，令长男阿初随征，捕刀寇，蒙赏锡钞锭。十九年八月，巨津州土官知州阿奴聪反叛，攻打石门关等寨，领长男阿初等统兵，从吉安侯陆仲亨征取本寨蒙古和二处，本贼逃往西番。本年十二月复回巨津州。二十年内擒获本贼，押解赴总兵官颖国公处交割处决讫。公生于元武宗至大四年辛亥，于洪武二十三年庚午十月初六日宾天。正妻阿宝社系照磨所三必材和略哥女，诰封

恭人，生三子，初、亏、寺。次妻阿宝弥生一子七。长男阿初，继父职。次男阿亏，三男阿寺，四男阿七。

知府阿得阿初 官讳木初，字启元，号始春，得之嫡长，继前职。未袭之先，洪武十六年，攻番酋卜劫有功，本年七月，奉总兵官征南将军颖国公扎付，拟授副千夫长。十七年闰十月，奉吏部忠字三号勘合授副千夫长兼试百户职事，当年十一月到任。本年十二月本府宝山州土官生勃，同大理卫李指挥以策平定，攻打本州山寨，安抚人民。十八年本州土官刺密如吉复据山寨，仍行领兵前去，攻打本寨，擒杀二十余贼。洪武二十年，剑川州土官知州扬如等作耗，同官军引兵收捕，本年八日本州伪元帅宝朱作耗，同大理卫都督都指挥使郑祥，擒杀本贼，二十一年三月，管理土军，从总兵官西平侯黔宁王沐昭靖英征进景东定边县伯彝蛮贼，歼其渠魁，杀获刀斯浪等。二十四年，随奉右军都督府定字五百四号勘合，依承袭，五月十八日上任，继父职。本年十一月赴京贡请诰。二十五年二月，给授甲字六百九十七号诰命一道，授中顺大夫，世袭土官知府，蒙赏赐回还；本年九月，随都督冯诚征进永宁州，攻破浪蕓接境白父等山寨，杀退贼人，收捕贼酋卜八如甲，诏渝水寨头目刺塔等服降。二十六年十二月，四川盐井卫左所土官刺马氏贾哈喇谋反，同都督宁远侯何福，接应官军，二十七年正月，左所叛贼贾哈喇犯北胜，浪蕓，随西平沐惠襄公春以兵要复克胜，寻立浪沧卫镇御。又本年随都督瞿能出征得讨平之，运粮到盐井卫交纳。本年十一月，本府兰州火头八塔干生勃，领兵前去，捕杀贼众一百余名，安抚彝民。三十年九月，又同大理卫李指挥征进

革石阿恼瓦等寨，攻破本寨，擒获叛贼伪平章贾哈喇。又本年十一月改置丽江军民府，颁给印信以字八十七号一顆，拟议敕命祿扬塘镇道节制西番，礼际机便从宜，揆相体统行事，以彰国威。三十一年九月，跟总兵官征虏前将军西平侯沐惠襄公春，征进伯彝，围困麓川，擒贼首刀干孟回还，蒙赏钞锭表里甚厚。三十五年，令长男阿土赴京进贡，蒙钦锡钞锭表里回还。永乐二年九月，又领军前去巨津州救护土官同知阿戟，遂退番贼阿娘勾等，夺获虏去官民人口。三年四月令弟阿寺随钦差内监杨麟等领所招来西番赴京朝贡。又当年十月，自备马匹方物，率领所属赴京朝贡，钦锡钞锭表里回还。四年五月，奉总兵官西平侯沐惠公明文，同锦衣卫镇抚司指挥使朱程往西番地面，开设扬塘镇道二处安抚司，刺何场长官司，你那长官司，催令彝番赴京朝贡。奏闻，蒙赐督镇敕书一道，并叙巨津、临西、毛牛砦、宝山州、兰州，浪沧江等处功事，钦锡金牌一面，铭曰诚心报国，永乐五年，又字七十六号并蒙给甲字八百九号诰命一道，升授中宪大夫，世袭土官知府。本年十月令长男阿土追究元时土官安抚司阿吉家下金牌一面，解云南布政司讷。八年五月，亲诣宝山州白的元始瓦等寨招谕头目，阿容目名不认纳差发，当年作数，随差人进贡，给赐回敕表里。十年四月自备马匹方物，令舍人阿他等赴京进贡，钦蒙给赐甲字九百九十七号诰命一道，赠父阿得大夫，甲字九百九十八号诰命一道，封母阿氏社为大恭人，甲字九百九十九号诰命一道，正妻阿氏撤封为恭人，赉回到府，望阙谢恩讷。又因随西平侯惠襄公春征进景东、永宁、蒗蕘等处，随何瞿二都督征讨四川盐

井卫叛巨刺马仁祖贾哈喇，攻破革石阿恼瓦寨，擒获本叛有功奏闻，给乙字一百十九号重锡诰命一道，圣旨升尔散官一级，锡尔诚心报国金带一条，其余功赏，俱在应袭等册内。十四年，贾恩存慰进阶，寻请老移关，本府保勘应袭本土袭职。

公生至正五年乙酉，于洪熙元年乙巳十二月宾天。正妻阿木相官名阿氏撒，系通安州土千户阿木女即木仙，诰封恭人。生七子，土、娘、戟、迦、均、兴、惠；庶妻阿宝罗，系刺场长官司女，生一子目；阿宝里生一子保；阿宝羊生二子都、希。长男阿土继父职。次男阿娘，三男阿戟，四男阿迦，五男阿均，六男阿兴，七男阿惠，八男阿目，九男阿保，十男阿都，十一男阿希。

正统五年，以孙追封，给戊字七百六十七号诰命一道，赠太中大夫参政职衔，给戊字七百六十八号诰命一道，赠封正妻阿氏撒为淑人。

知府阿初阿土 官讳木土，字养民，即育民，初之嫡长，继父职。永乐十七年自备马匹方物赴京进贡，前到行在吏部，本年十月蒙本部官引奏，钦准替职，赏锡钞锭彩缎表里，领到吏部文字五千七百八号文凭一道。十八年正月上任，十九年为议輿情，蒙颁敕一道，令宣不令调，二十一年令舍人禾弥，把杨仲礼赴京进贡请诰，蒙给锡丙字一百十五号诰命一道，特封为中顺大夫，世袭知府。丙字一百十六号诰命一道，正妻阿获封为恭人。宣德三年，先因石门关阿亏文肆劫不悛，领兵攻捕据寨，随开新道，重设渡津，便道梗阻，八年正月集兵，二月掠峭村乞容，后归服。又于本年三月永宁番贼虏去宝山州阿日遂，亲领兵诣本州，

设策取回讫。

公生元顺帝至正二十四年甲辰月日，于宣德八年癸丑四月二十四日宾天。正妻阿室甫，系鹤庆府土官知府高仲女，官名高氏获；诰封恭人，生七子地、仲、义、昌、恕、直、挥。庶妻阿室园。长男阿地继父职。次男阿仲，三男阿义，四男阿昌，五男阿恕，六男阿直，七男阿挥。

正统五年，以子追封，给戊字七百六十九号诰命一道，正妻高氏获赠封淑人。按当时约白沙里苗，禁官牛食田，见者以官不捕。知之，必令屠刑，盟北岳神祠，分肉散众，民信服法，率输牛价，常年赛庙为额典。

知府阿土阿地 官讳木森，字升荣，号大林，土之嫡长，继父职。宣德九年保勘袭职，奉吏部文字一百五十四号文凭，本年七月十三日上任。正统三年领兵从总兵官定远王沐忠敬晟，征进麓川纳寇，当时各处军马逃散，惟丽江奋勇先阵过江，烧营栅七处，生擒一名，斩首十六颗，获象二支，又复斩首二十四颗，蒙犒赏银碗花牌缎匹等项。正统四年又随官军杀获首级二十颗，受赏如前。云南黔府定远王沐忠敬晟另赏沙桥田一庄。五年五月征进麓川奇功事，总制尚书靖远侯王忠毅公骥奏闻，钦蒙给赐彩缎表里。本年九月自备马匹方物，差人赴京进贡，请给诰命，钦蒙给授戊字七百七十一号诰命一道，并行在吏部勘合功升勋级，授太中大夫资治少尹、云南布政使司参政职事，赠封二代，于省上任讫还，公座尚存本司。戊字七百七十二号诰命一道，正妻阿氏里封为淑人。本年始置巡抚云南都御史丁题疏举扬奖励。陆年总制靖远侯王忠毅公征麓川，遣兵随克，先后俘擒十六名，象一支，攻破思任发栅寨得功。